

## 2- 12-13. Огоҳ бўлингки, улар - ўшалар бузғунчилардир

22:06 / 20.05.2017 3617

مَيِّخْرِلَا نَمُخَّرِلَا هَلَلَا مَسَب

نَوْرُغَشَيَّال نَكَلَو نُوْدِسْنَفُمْلَا مُهْمُهْنَالَا

**Бақара 12. Огоҳ бўлингки, улар - ўшалар бузғунчилардир, лекин ўзлари сезмаслар.**

الْاَءَاَفْسَلَا نَمْلَا مَكُنْمُوْنَا اَوْلَا قُسَانَلَا نَمْلَا مَكَاوْنَمْلَا لَلِيْقَا اِذِو  
نَوْمَلْغَيَّال نَكَلَو اَءَاَفْسَلَا مُهْمُهْنَالَا

**Бақара 13. Ва агар уларга: «Одамлар иймон келтирганидек, иймон келтиринглар», - дейилса, «Эси пастлар иймон келтирганидек, иймон келтирамизми?» - дерлар. Огоҳ бўлингки, албатта, улар - ўзлари эси пастлардир, лекин билмаслар.**

Ояти кариманинг маъносидан кўришиб турибдики, мунофиқлар мутакаббир, одамлардан устунликни яхши кўрадиган, ёлғон обрў қозонишга уринадиган бўладилар. Шунинг учун ҳам улар ўзларини баланд тутиб, иймон келтирганларни «эси пастлар» деб аташади.

Аслида инсониятнинг гули иймон келтиради. Мўминлар одамларнинг энг яхшиси ҳисобланадилар. Иймонсиз инсон эса ҳайвондан баттардир. Мунофиқларнинг қалблари маразга, кибр-ҳавога тўла бўлгани учун ўзларини баланд оладилар. Улар диндорликни ақли пастликдан деб биладилар. Уламоларга, иймон йўлида ҳаётларини бағишлаган кишиларга турли айблар тақайдилар, ҳақоратлайдилар. Лекин Аллоҳ таоло барча нарсани кўриб, билиб турувчи Зотдир. Кимнинг ким эканини Ўзи яхши билади, одил ва ҳақиқий баҳони ҳам Ўзи беради:

**«Огоҳ бўлингки, албатта, улар - ўзлари эси пастлардир, лекин билмаслар».**

Иймон эси борларгина мушарраф бўладиган олий неъматдир. Шунинг учун Аллоҳ мўминларни эси паст, деб ҳақорат қилган мунофиқларни билимсизликда айблади. Яъни уларнинг билими, ақли йўқ.